

babant, idque dicebant se facere demandato Romani Pontificis. Ea causa ducem Georgium impulit, ut ad antistitem Merseburgum daret literas, quibus se mirari dicebat, antistitem abhorrere a consuetudine olim veritatis gratia etiam introducta, & per manus a majoribus tradita, qua illos sapientius usos de Trino & uno DEO, de mysteriis sacrorum, & aliis doctrinæ cœlestis capitibus, nullo improbante in utramque partem disputasse constaret. Utile porro & necessarium esse, ut recens proposita quæstio excutiatur, & dicendo atque audiendo eliciatur, & exprimatur veritas, utrum res ita se habeat, ut repente ad tinnitus aeris in pelvem conjecti defunctorum animi ab inferis extracti in cœlum emigrent, qua fallacia argento emungatur vulgus improvidum: Videri sibi quibusdam nauci antistitem hac in parte patrocinari hominibus, haud dissimilibus inertium militum, qui alibi quam in armis habeant animum, & ante classicum fugam meditentur. Vetustum esse causam suam defendendi & contradicentium refellendi disputatorum morem: Quod si Theologi sua tueri dogmata, ut quæ falsa sint non possint, haud quaquam

Y 3

ipfos